

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-03-05-28145-37/19
Sarajevo, 06.09.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
STRUČNA SLUŽBA VLADE

Predmet: Izjašnjenje na zastupničku inicijativu zastupnice Bilsene Šahman, dostavlja se -

Veza: vaš akt broj: 16-01-05-28145-37/19 od 31.07.2019. godine

Na Dvanaestoj sjednici Skupštine Kantona Sarajevo, održanoj 24.07.2019. godine, u okviru tačke Dnevnog reda „Poslanička/zastupnička pitanja i odgovori“, zastupnica Bilsena Šahman je pokrenula sljedeću zastupničku inicijativu:

„da imena i reference upravnih i nadzornih odbora budu objavljena kako bi znali, koliko oni uistinu mogu pomoći nekoj ustanovi. Također, potrebno je da upravni odbori i nadzorni odbori izrađuju izvještaje o svom radu, kako bi se kontinuirano pratio njihov rad“.

S tim u vezi, Ministarstvo pravde i uprave Kantona Sarajevo dostavlja sljedeće

I Z J A Š N J E N J E

U vezi zastupničke inicijative zastupnice Bilsene Šahman, obavještavamo vas da je odredbom člana 7. Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19) (u daljnjem tekstu: Uredba) propisan obavezan sadržaj web stranice organa uprave, javnih preduzeća, javnih ustanova i pravnih lica čiji je osnivač Kanton Sarajevo (u daljnjem tekstu: organi javnog sektora).

Navedenom odredbom je propisano da su organi javnog sektora dužni učiniti javnim i dostupnim sve propise i druge akte propisane predmetnom Uredbom. Nadalje je propisano da svaka web stranica organa javnog sektora obavezno sadrži odjeljak/sekciju u kojem će se nalaziti svi propisi i drugi akti propisani Zakonom o objavljivanju propisa i drugih općih akata u “Službenim novinama Kantona Sarajevo” i Uredbom, te da organi javnog sektora obavezno na web stranici



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



objavljaju: odgovore na postavljena pitanja zastupnika zakonodavnih i/ili predstavničkih tijela svih nivoa vlasti koja se odnose na djelokrug rada organa javnog sektora; mišljenja koja pribave organi javnog sektora ili koje nadležne institucije daju o značajnim pitanjima iz djelokruga rada organa javnog sektora; izvještaje o radu organa javnog sektora; finansijske planove organa javnog sektora; izvještaje revizorskih kuća o poslovanju organa javnog sektora i informacije o sjednicama tijela organa javnog sektora (skupštine, upravni odbori, nadzorni odbori i drugi organi koji su uspostavljeni u organima javnog sektora), sa navođenjem dnevnog reda tih sjednica.

Odredbe Uredbe ni na koji način ne isključuju ili ograničavaju organe javnog sektora da na svojim službenim web stranicama postavljaju informacije i obavještenja za koje smatraju da su neophodni za javnost.

Prilikom provedbe Uredbe, organi javnog sektora dužni su poštovati odredbe Zakona o zaštiti ličnih podataka ("Službeni glasnik BiH", br. 49/06, 76/11 i 89/11) i Zakona o zaštiti tajnih podataka ("Službeni glasnik BiH", br. 54/05 i 12/09).

Nadalje, članom 2. Odluke o Registru imenovanih lica u Kantonu Sarajevo ("Službene novine Kantona Sarajevo", broj 23/19) (u daljnjem tekstu: Odluka) propisano je da predmetnu Odluku primjenjuju svi organi uprave i službe, javne institucije na nivou Kantona Sarajevo, koje se finansiraju iz Budžeta Kantona Sarajevo, institucije nad čijim radom ministarstva vrše nadzor, javna preduzeća, javne ustanove, fondovi, zavodi, čiji je osnivač Kanton Sarajevo (u daljnjem tekstu: Institucije). Tačkom b) stava (2) istog člana Odluke je propisano da se u Registru imenovanih lica evidentiraju podaci o imenovanim licima koja obavljaju sljedeće javne funkcije u Institucijama, i to: predsjednik i članovi skupština, upravnih i nadzornih odbora, odbora za reviziju i školskih odbora.

Članom 5. Odluke je propisano da se u Registar, između ostalih, unose i sljedeći podaci imenovanih lica: ime i prezime, funkcija imenovanja, naziv radnog mjesta i stručna sprema.


Članom 10. Odluke je propisano da Ured za borbu protiv korupcije i upravljanje kvalitetom Kantona Sarajevo (u daljnjem tekstu: Ured) vrši obradu svih prikupljenih podataka koje dostave ili unesu Institucije i iste javno objavljuje na internet stranici informacionog sistema Ureda.

Nadalje, tačkom XXIV. Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa i organizacija ("Službene novine Kantona Sarajevo", broj 30/08) propisano je da godišnji izvještaj o radu i finansijskom poslovanju odnosno izvještaj o poslovanju samostalnih upravnih organizacija, javnih ustanova i fondova, kao obavezne priloge sadrži Izvještaj o radu upravnog odbora, Izvještaj o radu nadzornog odbora i Izvještaj nadzornog odbora o rezultatima nadzora.

S poštovanjem,

Dostaviti:

- naslovu;
- u predmet.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

